

Latit.
Gr. Scr.

Longit.
Gr. Scr.

38 INDEX GEOGRAPHICUS.

31. 42. 67. 49.

ses sex mansit apud eos: & multi Corinthiorum credebant, & baptisabantur.

Corozaim urbs Decapoleos in conspectu Capharnai: sed ad alteram, eamque orientalem Jordanis ripam, nullum apud ipsam miraculum factum scribitur apud Euangelistas, prima tamen numeratur inter civitates, in quibus factæ fuerant plurimæ virtutes, & quæ nondum pœnitentiam egissent.

36. 30. 56. 40.

Cous. In navigatione Pauli à Mileto Jerosolymam: Act. Apost. 21. v. 1. recto cursu (inquit) venimus Coum, & sequenti die Rhodum, indeque Pataram. Cous aliàs Cos Hippocratis patria. Insula, & urbs est in Mari Egæo & inter Sporades.

32. 10. 67. 10.

Correa, Joseph. Ant. 14. c. 6. & 10. vicus Judææ initium in mediterraneis; & in itinere à Jerusalem Scythopolim.

34. 30. 53. 0.

Creta, Insula in Mari Mediterraneo, inter Asiam, Africam, & Europam; Europæ propior, tum Asiæ, Act. Apost. 27. v. 7. in Pauli navigatione cum à Cæsarea Palestinæ Romam duceretur: Cum (inquit) multis diebus tardè navigaremus, & vix devenissemus contra Cnidum, prohibente nos vento, adnavigavimus Cretæ juxta Salmonem; & aliquoties ibid. mentio est Cretæ. In Epistola ad Titum ait Paulus, se Titum in Creta reliquisse, ut per civitates constitueret Presbyteros, & Episcopos, &c. Insula hæc apud profanos notissima fuit Jovis natalitiis, adventu, & amoribus Europæ, Ariadnæ, & Pasiphaës; Minois & Rhadamanti legibus; forma & feritate Minotauri; Dædali Labyrintho & fuga; quæ omnia ut plurimum fabulosa sunt.

32. 30. 82. 30.

Cutha aliàs Chuta, 4. Regum, ubi agitur de iis, quos Assyriæ Rex misit in civitates Samariæ in locum eorum, quos à Samaria, aut ex Israël abduxerat in Assyrios, c. 17. v. 24. Adduxit Rex Assyriorum (viros) de Babylone, & de Cutha (legit postea v. 30. Chuthai) & de Arath, & collocavit eos in civitatibus Samariæ pro filiis Israël. Cutha forte pro Sufa.

35. 30. 66. 0.

Cyprus in Canticis, & 1. & 2. Mach. & in Act. Ap. 11. v. 19. nudum est nomen Cypri, Act. Apost. 13. v. 4. Paulus & Barnabas à Seleucia (Syriæ) navigaverunt Cyprum, v. 5. & cum venissent Salaminam, prædicabant verbum Dei... v. 6. & cum perambulassent universam Insulam usque Paphum... 15. v. 39. Barnabas cum Marco iterum redit in Cyprum... 21. v. 3. in navigatione Pauli Jerosolymam: Cum apparuissemus (inquit) Cypro, relinquentes eam ad sinistram, navigavimus in Syriam, & venimus Tyrum; & iterum vidit Cyprum Paulus, cum à Cæsarea Romam abduceretur, Act. Apost. 27. v. 4.

30. 40. 48. 25.

Cyrene Urbs Africæ sive Lybiæ, in quam aliquando transtulit cives Damascenos Rex Assyriæ... Amos 1. v. 5. Et conteram vectem Damasci... & transferetur Populus Syriæ Cyrenem. Act. Ap. 2. v. 10. Lybia, quæ est circa Cyrenem. Unde Ptolemæo & aliis Regio Cyrenaica.

D.

32. 32. 67. 10.

Dabereth nulla est inter sexdecim urbes Tribus Isachar, quas omnes recenset Josue 19. à v. 17. ad v. 23. potiusque videtur in Tribu Zabulon ex ipsomet Josue, eod. cap. v. 12. Ea tamen Levitis assignata, ex Tribu Isachar excerpta dicitur, ex Josue 21. v. 28. & ex 1. Paralip. 6. v. 72. Dabarith, quam Josephus in magno campo & extremis Galilææ finibus describit in vita sua, mihi cum Dabereth eadem est.

30. 10. 65. 58.

Dabir, Cariath-sepher, & Cariath-senna; varia diversaque sunt unius ejusdemque urbis nomina, quæ describitur in Regione sive parte sexta Tribus